

湖  
海  
詩  
傳

湖海詩傳卷三十

青浦王 昶德甫輯

張四科

字喆士臨潼人貢生寓居揚州官候補員外郎有寶閣集

食筍

綠陰謝豹號纖纖驚晚筍添竹知已遲饒口詎能忍小試傍  
林鮮指動豈無睽曉牙冰片鳴堆棧錦蔕隕食肉本無相加  
餐還自哂要知澹故佳寧忘美爲疾多生餘此債聊免刀砧  
憫累君異猪肝損人非雁腎蕨配恨不同鹽腊香易泯何如  
清泉淪甘苦味皆允放筍對此君高興殊未盡清風滿詩腸  
陶泓爲徐引

喜全謝山至因憶樊榭葦浦蕙田諸游好

我友天下士半居山水鄉偶聚若萍梗一別愁津梁四明有  
狂客早歲辭巖廊幾年阻音塵隔絕如參商今夕復攜手  
林共壺觴廣除澹炎景南風清樾香旣欣文字飲更歌風雨  
章遙憐二三子浙西恣相羊安能聯袂來使我調飢忘

邵文莊公溫硯

五金皆山英萬物勞匠智要以濟時需渺克佐文事於明邵  
文莊獲睹硯牖製流傳三百年請爲說其器外周而中空方  
整若巾笥其上紫石嵌其下朱火熾腹裏貯清泉傍竅納虛  
吹春向筆端回煖入墨花膩冰雪頓無權揮灑每如意二泉  
本大儒詞翰亦精緻譔銘鐫其旁葦尾五十字方其歸養時  
遂置著書志祇行益精純力學辨真偽幾幾點易臺高名共

鬼歸里人安桂坡多幸見接待竊欲煖公寒役作類鬼慙慨  
此自公遺敢作玩物視我有嗜古朋愛之左右置呵凍索題  
詩杕火請一試

蟾蜍水滴

誰鑄此蟾蜍彭亨隱非瘡爬沙不入月貯此涓滴水研磨墨  
瀋香摩挲土花紫長置硯山旁相對憶顛米

銅鼓歌

精銅巧鑄尺半高腹剝面夷腰微凹雲雷百匝花紋交非鐸  
非鐸非征鐃是曰銅鼓出谿峒伐之鏗鏘如鳴鼙形完毋煩  
輶人輓聲巨詎必桐魚敲漢家丞相平不毛天人擒縱一手  
操當時作此厭醜虜或云入貢從猓獠丞相宿諳五勝法要  
使金伏炎精燭應爾此物鎮南土與銅柱并銘勲勞五溪蠻

夷最重此得之能易干蹄牢納鼓釵長獠女叩醉舞胡旋歌  
哇咬蘆笙合奏峒神樂用祈豐歲齊肥瘠百年以來蠻運絕  
流轉遠上越客舫買歸高齋佐清玩懸以畫簾貫以絛手持  
雙杖不敢下安得拊擊同陶匏免使古物竟受雷門嘲

題紙牕竹屋圖

披圖得作趣竹屋夜寒凝門外數峯雪燈前一研冰有人清  
似鶴此味澹于飴好是殘年況儻然我亦曾

兩明軒坐月得寒字

層軒憑久霽涼氣集林端見月添詩思畱人向夜闌高荷風  
影仄疏酌酒光寒不惜扶歸晚來宵恨獨看

江 康

字繹懷號碧溪儀徵人貢生官刑部員外郎有持雅對

琴等集

蒲積山房詩話雜懷於廣陵好文堂與漁洋諸詩神前集行世然寥寥數十首未必爲真本也甲戌冬予過廣陵懷具小艇遊寶谷松嶽諸君陪予遊平山堂酒次備論生平諸作予曰江海存信早村店酒前偏此召五言歷卷句也座客皆以爲允

有懷

落木挂圓景皓彩揚高城前除夜逾靜殘雪林外明澄懷屏  
塵慮仰睇有餘清故人渺何及臨堦空復情

彈指閣月下

精舍夕欲淨前除忽已暝客從林下來襟上有清影徙倚孤  
閣外亭空足煙景露白光已寒修廊夜方永忽聆一聲鐘皓  
月在松頂

水竹居偶成

微雨過簷端草色上堦綠圓塘水乍生冷然坐幽築軒開敞

四筵雜英弄晴旭流眄檻前灣春意藏深隩斷岸略約通繞  
徑簣簣足鯨魚樂環流小鳥入空谷樹覆短籬旁亭結平臯  
曲鄰人問字來社酒持巾漉欲暝天迷離遠火出叢木別有  
心神清石上支願宿

謾圖聽琴朱稼翁吳梅里陳授衣袁春藻王琴德趙  
升之曹來殷嚴冬友同作時王趙曹歸吳下嚴歸白  
門

庭除花氣香雨過徑苔滑偶此集吟侶琴聲散清樾奕奕鏡  
中顏星眉簪際髮開襟調風謠挾藻自超忽離歌何爲來茲  
夕曾有月遙念江天明乘潮棹謳發

本讀遊初固贈吳拙庵暨令子竹嶼

迢遞橫塘路棲幽愛獨尊林亭環曲沼苔且變鳴禽點點遙

峰秀濛濛極浦陰，數椽能選勝。扁戶是清心。

早春赴姑孰

征途不知倦，殘夜促嚴程。山曉霜初白，江空雁有聲。夾堤疎落葉，匹馬向秋城。謝尚今何在，淒然客感生。

鄭炎

原名渠，字清源，秀水人。諸生有雪杖山人集。

夜泊垂虹

周流七十二峰前，胸次虛靈水國仙。無復點塵侵淡月，僅餘清露洗遙天。殘城鼓斷門猶啓，獨樹烏啼客未眠。我比機雲差解事，不煩輔嗣夜談元。

次陳曲齋集谷隱山房茶話韻

雨霽攜筇過白蓮，一聲清磬了塵緣。苦吟茶味高於酒，默坐



花香冷似禪心靜不嫌幡影動談深無礙月華偏山房竟作  
圖書府方外追隨二十年

讀書

逕野歸來長杜門頗於往昔日相親貧無熱客撓清興閒共  
乾魚結古隣金石有聲傳戶外蓬蒿自分老湖濱會心深處  
天機見數點梅花滿院春

燈下

草草勞心過歲除莎庭人靜四更餘消磨白髮三千丈手別  
銀缸讀異書

齋中玩菊

不待敲門問主翁夕陽窗外有深叢黃花漸被霜侵白野鶴  
名懸忽曉風

陳鴻賓

字用儀鴻賓弟錢塘人諸生

陶然亭雜集賦呈述庵先生

秋晴喜嘉招眺覽意彌適一逕入葭菼野水漾空碧有亭翼  
然起獨向城隅闕宛遊江湖閒扁舟傍沙磧西山忽當面爽  
氣欲迎客變幻雲霞生慈憐蒼翠積憑欄肆遐睎紛若成畫  
格九衢車馬喧塵土苦役役而我物外遊羈縻得暫釋維公  
金閨彥亦具泉石癖一尊常共攜流連更日夕漠漠昏烟合  
遲遲歸騎策不省尺五天岩巒香界隔

己亥臘日爲述庵廷尉畫三泖漁莊圖并題

卜築長耽物外陶漁兄漁弟共汀洲遮門楊柳一林暗照眼  
芙蓉九朶秋張志和應愛青笠陸天隨合老扁舟分明不似

官人樣着個紅衣稱得不

題邱太守學敏古樹

冬青樹失故宮隈人代茫茫付劫灰獨喜君家枝幹別似經  
新甫陟徂徠

東臯宅裏輪囷樹肯逐朱門愛賞移留與諸孫遺蔭遠蒼然  
常見歲寒枝

楊懷棟

字星標海鹽人諸生

題三泖漁莊圖卽送穗甫先生歸里

小築江村路溪流滑笏平林稀山寺見烟鎖釣船橫雲水留  
詩社尊鱸作酒船故鄉風物好迢遞計歸程

幸沐河汾澤何當起別情征衣臨驛路小艇到柴荆隔水鳴

柳遠穿林短笛清知應惜留滯獨坐對寒檠

朱維魚

字牧人海鹽人監生有眉洲詩鈔

野望

偶經北原上却向南村歸一雁下秋色數峰明夕暉泉流不  
礙逕草露欲侵衣未得還家計臨風憶鰕肥

聽人話征伊犁事

擒王直欲盡流沙兔走鳥飛日月賒瀚海天低雲作浪春山  
樹少雪爲花一軍茶火分回部同有紅白二種自爲部萬里蒲稍入漢家絕  
域烽烟生亦死漸忘清淚落悲笳

漳關

虎視龍興踞上游洞開四扇俯神州西來翠疊三峯色東去

河兼八水流赤帝偏能降輶道青廡底事出延秋唐陵漢闕  
俱黃土獨賸秦時月照愁

金式珪

字夔齋青浦人諸生有鳳栖山房稿

冷泉亭

峰勢如飛來寺門落幽境風起千波寒日涵萬籟靜低頭照  
清水渺渺蓬壺影

自廣陵歸後寄朱丈春橋

澄湖照初陽身在烟波裏行行金閨亭倏忽晉陵水山市載  
酒行漁歌隔船起相思攜手處延佇不能已

朱維藩

字瑞屏烏程人貢生有滇游道歸等集

章江舟中卽目

江雨來無時飛空點晴綠春雲壓我舟彈指隔涼燠蒲帆乍  
引滿微颺散輕縠人家岸東偏幽樹出深屋菰桃方著花垂  
柳春風足老翁田間來帶雨策歸犢稚子候柴扉蓑衣挂深  
竹我家水雲鄉耕漁本初服何爲事遠遊舟車紛水陸辭家  
及初春江梅發寒栗一驚社燕飛始覺日月速春光九十日  
到眼櫻筍熟空懷北堂人送此千里目

清溪洞

平糴縣西三里

策馬沿回溪徑轉得山麓森然敞雲關危亭出修竹洞穴闢  
何年靈竒拓山腹日月雙轉輪光遠不敢燭石髓寒漸凝狀  
作雲濤撼天吳及螭轔一一聽蹲伏時還揚其鬚噴薄出寒  
玉清溪十里長尾洩常不足

山下有大溪

斜容天一線寬受車百轂

賴此佛力鎮靈區去恐速洞中多佛像掬泉煮新茗古碣摩挲讀碑  
其多不知塵勞身何緣換心目去去幾回頭林風滿巾服

渡洞庭湖

天鷄喔喔啼前川榜人決起驚扣舷南風吹帆健于鵲朝霧  
欲寒無由緣趨風來霧散雲解駛輕帆獵獵凌蒼烟東西南  
北浩淼不可辨但見天宇四蓋垂無邊日華耿耿射不得一  
一碎作青紅鮮空明一氣莽迴盪浪影直撼浮浮天不知洲  
渚更何處惟有風檣萬點點木如飛鳶而我輕舟獨容與蒲  
帆安穩高聳吟詩看君山岩嶂洲外小孤城樓櫓雲中懸舟  
子相呼各致語日正亭午當空圓百八十里頃刻耳要是神  
力人奚權君不見舟中之人髮半白讀書說劍今廿年青衫  
破盡不得換曳裾歲走公卿前平生舉足與世迕失計復落

溟雲頭歸甘藜藿爲金母。此意豈謂天公憐浮江涉漢路。正  
遠願守忠信輕清淵。醉神其許飽神德。植頭得食飛鴉還呼  
童取酒酌罷詩亦就。日影西下正透蓬窻妍。

小孤山

我昔曾讀歐公歸田錄。外見東坡長江絕島篇。大孤小孤山  
色常在目。清夢每落神女祠。東偏我家海東而。山在江介江  
海相距道遠還逾千。幽燕楚粵水陸走十載。餘此絕境未到  
心猶牽。今年行蹤決欲補舊憾。浮江有意計定夫南還。江山  
萬里一旦落我手。兩孤縹緲忽已青。浮艫先從湖口俯出大  
孤背。蒼翠欲滴已若凌飛仙。今朝小孤山色復到眼。雲根峭  
削獨湧中流天。剏如圭璋清質璵璠碧。漸如髻髮鬋影高連  
鬋。百盤逕細勢作螺轉亮。兩厓影峙分若人。屏扇東西南北



各各絕比附羣山如蟻無計來齋緣山頭草木不到塵世種  
瑤花琪樹自向春風妍蓬瀛仙島或恐使浮去帝遣神女作  
鎮威權專洪濤到此有力不敢逞俯受約束但作迴波漩三  
江兩湖雄勢始一殺池廬院壽萬古安瀾全是時江豚吹風  
夜鼓浪輕舟阻險一住三日連舟人過此擬金望空拜余亦  
逢底然禱修齋度惜哉颺流駛激不得泊攀蘿躡磴事尚留  
值年此行青山采石次第過梅根浦口水出齊雲巔山光綿  
邈一一落帳席安得所到耳目窮搜研抽毫伸紙急爲寫勝  
慨愧無好語可向高屋鐫詩成憺忽恍那看已轉龜樓斜影  
不盡青娟娟

述庵先生垂示滇中詩集卽次見贈詩韻題于卷後  
不被萬卷行萬里古不許以能詩稱杜李韓蘇亦如此筆端

時有烟霞騰先生讀書十行下五車百笥偕寢興餘事作詩  
供游藝古光鬱出青嶠凌蓬池園苑置身早鈞韶響遏浮雲  
疑別裁僞體振羣雅如掃霧障開榛芳南荒萬古吟不到炎  
山色死寒於水韉刀帕首縱一往絕景天爲騷壇增是時緬  
人肆螳臂上公玉帳輝環纒醜徒腥血滿油幕并與牛炙殷  
肴胥先生磨盾草檄罷水詞透洗黃茆蒸遂窮黑水極南海  
自禹跡後人無能蔽江流枵碎賊膽伏莽不敢高陵升旋輸  
降欵納燧象廼振勁旅廻雲鵬牛腰束詩歸示客筆鋒可斷  
千矛矜尸林劒樹讀者倖虎頭燕頤真堪憑賤子昔者走人  
海偶攄吟詠滄漚先生贈言恢華縉南來急遞勞臧膝獎  
許雖過意鄭重酌知十載心兢兢滇遊復悔交臂失厚脰終  
不忘愚情薄植何緣動青眼睛雲疊嶺披層層所嗟落魚

投畀研田墨稼成荒陞卽今更踏綠槐影倦無行卷輸簾旂  
朝來把詩賴鼓勇和歌終憾力不勝側聞越賤策驥足冉馳  
微外還呼鷹行間詩在肯示我并付小史抄溪藤

松歸山寺

松歸山翠裏初地壓坡陀一徑入林小綠雲侵座多水聲清  
晚磬人語隔烟蘿暫息勞筋在塵緣媿我何

大通驛

平沙遠水漲初生楊柳州梢綠尙輕十里春陰江漠漠杏花  
開後近清明

玉山

初日光寒乍透櫺晚風吹袂正泠泠白雲忽擁山腰路遮過  
長松一半青

山城春色轉垂楊竹板肩輿石路長知是近南芳信早晴風  
二月菜花香

初得衡酒

倒甌衡酒釀於乳出網刀魚白似銀料得碧瀾堂下路有人  
把盞話行塵

題畫

新綠全遮老樹腔蘋花開過板橋樁雨聲直到溪南屋聽盡  
瀟瀟不掩窓

板橋驛

茸帽深衣客路遙朔風吹午醉全消四山殘雪疎林晚細馬  
斜陽過板橋

蔣業鼎

字升校長洲人諸生

蒲褐山房詩話升枚風神俊雅竟體芳蘭與同縣朱桂泉人稱雙璧弱冠操觚專心吟咏有所作往往推敲至忘寢食先是祖樹存州牧父盤騎司馬皆以風雅名家居桃花塢東有倚梧巢西鵲閣交翠堂蘇齋諸勝統名隸谷康熙己卯尤西堂侍講年八十二樹存約爲送春之會烏目山人王石谷寫長卷以記之時沈文憲公年二十七而至乾隆己卯文憲八十七升枚佐其父復爲前會名流至者二十餘人作圖者爲林屋山人王存樵人尤以爲佳話又吳中名妓張憶娘爲顧俠君惠半農兩公所眷樹存作簪花圖日久漫悲升枚加以裝演并屬座客題詞其好事如此年未三十而歿

聞蘭泉歸信

蒼涼千里道歲晏滯歸舟白雁低寒影黃河急暮流夢回孤店路心繞故鄉樓悵望天涯遠何時慰別愁

行止本何定高情憶舊朋柔尊坐遙夜雨雪話寒鐙忽忽風塵隔迢迢涕淚增懸知三泖畔猿鶴怨難勝

送人之澄江

東風芳草路南浦木蘭雙遠樹低青嶂孤城枕碧江梵鐘烟

際寺漁火雨中紅獨對遙天暮相思倒玉缸

寒夜

寒風發清響木葉忽紛飛微月澹樵逕疎烟生竹扉隔林深  
犬吠遠寺夜僧歸閑步尋幽興相於擬息機

九日懷蘭泉濟南

離居千里思依依木落亭臯景物非舊雨憐君還作客重陽  
對酒正思歸傷心節序黃花發極目雲山白雁飛却憶鵲華  
秋色好憑高吟眺送斜暉

奉送蘭泉先生歸里

薄鱸歸思滿吳淞渺渺江雲隔幾重畫舫柳垂春門酒香林  
梅發曉攜筇暮潮雨歇過三泖明月烟深到五茸何日更來  
尋舊約寒山同聽夕陽鐘

朱漢倬

字凌霄元和人諸生

山中訪友不值

爲訪烟霞侶  
崇岡際曉過  
涼飈一夜急  
落葉四山多  
藥逕封苔蘚  
柴門掩薜蘿  
支筇空悵望  
何處獨行歌

別桐溪故居

移來家具上輕槎  
欲去無言獨感嗟  
園竹誰燒他日筍  
砌梅還發向時花  
柴門留掩臨春水  
蘿逕回看隔暮霞  
爲謝鄰翁休眷戀  
重過正擬問桑麻

九日病起喜沙斗初張策時吳企晉同吉人叔過訪  
蓮煩勝侶問棲遲  
正是蕭齋病起時  
九日黃花欣共對  
三秋紅樹久相思  
鄰園醽醁酬佳節  
欲插茱萸感鬢絲  
何事歡逢

偏悵惆年來憔悴乏新詩

春郊偶步

褰腰細草碧淒迷乘興閒遊獨杖藜  
風暖平原春牧犢雨晴墟落晝鳴雞  
千絲楊柳痕猶嫩一路桃花放欲齊  
最是前溪新漲好酒帘低映板橋西

朱澤生

字時霖吳縣人監生

送張策時東歸

空江梅雨過孤客上扁舟  
蘋葉溪邊寺榴花水際樓  
新知懷鮑謝清詠憶應劉  
後夜橫塘月誰同載酒游

寒夜懷蔣升枚

金波穆穆破黃昏滿院青苔獨掩門  
遙憶桃花塢畔路寒鐘



夜火最銷魂

熏鑪盡卷自蕭閑咫尺江城斷往還何日西疇深閣裏明燈  
涼雨話巴山

朱荏荏

字肅微號桂泉長洲人有雅材堂初稿

蒲褐山房詩話桂泉為紫岑之子適庭之弟與從兄時霖皆弱冠能詩居桐溪浜  
其前為疎雨樓後為蘋花水閣又與金晉沙斗初張崑南皆居西郭相去數百步  
而子與鳳階策時損之求殷升校過從來往故詩酒之盛著于吳下每有所作桂  
泉批筆和之衆皆嘉賞以為春樹珠苞仙花玉蕊也後子輩入都勝游難再及戊  
戌南還樓閣易主舊雨亦多物故  
循覽遺詩不勝問借山陽之感

早春過遂初園

園林新雨過微風度叢竹振衣登高臺遠山互回複空翠滴  
諸峯烟嵐近茆屋庭前早梅舒池上閑鷗浴楊柳初垂絲掩  
映春波綠遙聞鶴唳起縹緲出松谷數聲漁笛來殘陽挂喬

木

吳企晉澤均招同沙斗初張崑南王祖錫王存懔張  
策時蔣升枚暨曹來殷王蘭泉集璜川書屋

春盡多微陰幽居感離索故人有雅懷招邀共杯酌已慙盡  
簪情復聆清言樂悲哀展圖畫詞章時閒作稍見暮雲開  
此孤花落微風散芳襟涼露滴叢薄初月亦舒光依依照簾  
箔寂寞理琴書蕭閑論邱壑相期權扁舟素心庶有託

訪張策時家兄凌霄寒山留宿有作

一徑杳無人攜樽對松酌寒泉堦下流殘葉林間落人靜四  
山秋露下聞烟鶴坐久遠鐘鳴金波上簾箔涼颼稍復生清  
詠詩閒作雅尚寄琴書元言愛邱壑天末懷良朋何由共芳

約

謂崑南  
斗初

流螢篇

碧慮屏邊晚涼起點點流螢照紅蕖帶雨時飛深院中隨風  
忽落長門裏長門深院總淒涼綠柳千絲拂畫牆青輝隱隱  
明金井微影依依度玉塘玉塘金井月朦朧更和微露下梧  
桐燈暗羅窻來繡幌香釧寶鼎撲雕櫳雕櫳繡幌人初靜疎  
星幾處依苔徑繞竹還因團扇移穿花時傍羅衣映穿花繞  
竹乍淒迷紅闌六曲捲簾低未央殿裏舞初罷長信宮中鳥  
欲棲烏棲舞罷不勝愁柳下何人倚畫樓碧漢迢迢橫玉宇  
金風颯颯冷香篝更想空閨少婦情腸斷關山萬里營蟋蟀  
牀前秋漸晚鴛鴦慢內夢難成閨外沉沉落月早樓頭歷歷  
殘更杳回望餘光墜曉烟年年歲歲愁多少

龍湫宴坐圖爲王穀原北都題

浙東山水首雁宕鏡天絕壁森崆峒嶺崖削另露奇狀老樹  
裸柯撐空腔朝嵐夕靄五虧蔽中有飛瀑聲琤琤或如層雲  
洒密雪或如急瀨奔秋龍或如殷雷擘巨峽或如疾雨衝哀  
淙或如千官響珮玦或如萬騎交矛鏃或如漚絲幌練帛或  
如引索懸尋橦舉頭已見目掉眩入耳更覺神增懣咄哉造  
物劇好事作爲此弄驚駭惹我聞誥矩羅尊者曾結紺宇凌  
崆峒法雲時覆貝葉卷香雨恒繞蓮華幢迦陵翻飛刷毛羽  
蒼蒲嫋嫋開珠椿千秋絕境罕人到坐使澗道生蘭茝王君  
本是烟霞客談詩學佛真無雙尋幽不嫌桑屐蠟歷險卽俟  
籃輿扛棕輅布韞足濟勝杖策一徑沿危紅荒榛巖崖窺拔  
鹿鼓竹蕭瑟鳴驚龙道逢野樵氣象古時遇老衲容顏鹿趣  
塗縹緲清梵響入寺飼禪晨鐘撞壁間僧衣挂白甌座上佛

火明銅缸四門迴向方未已傾聽驟覺聞砵聲忘歸亭上一  
凌緬始信絕景雄南邦山源地脈不可測跳珠濺玉長澌澌  
石梁廬阜身未到對此已使心神降獨憐勝地久寂寞誰人  
過訪聞音聲但當拂衣永棲託杉皮屋子開桐窻夜汲寒泉  
淨甌盃曉引危溜滋耕耰閑從尊宿共敷坐棲隱豈羨襄陽  
龐生平頗有物外賞秋水息景言非哢華嚴天闕有夙好忍  
令歲月同奔馳謝公遊興倘可繼擬趁晴日浮蘭輶披圖題  
句三歎息夢魂飛渡橫陽江

寄趙損之上海

吳城秋盡雲陰陰寒霜欲下青楓林天邊哀雁自孤唳堦下  
亂蛩方苦吟美人一別烟波深側身東望長鬚襟芙蓉零落  
空遲暮誰寄瑤華達遠音

西郊雪霽

出郭攜筇杖遠山生晚霞夕陽樵客路殘雪野人家籬落喧  
寒犬雲林聚宿鴉清遊娛歲暮更泛釣魚槎

題吳企晉秋江歸興圖

斷靄浮江渚孤帆趁暮晴潮連楊子渡樹隔皖公城  
鴈秋山思尊鱸故國情靈巖松菊在吟眺足平生

送吉人家叔之維揚

唱徹驪歌起暮颺送君愁見柳如絲旗亭酒罷潮生候  
水驛帆開月上時瓜步江空楓葉盡廣陵秋老雁聲遲  
題襟舊侶知無恙好賭雙鬟畫壁詞

蟬

池塘寂靜晚生涼忽聽餘音度短牆南陌無人嘶暮雨西風

有恨送斜陽。琴絲猶抱齊宮怨。鬢影空留。楚客傷憫。悵秋深、霜露下寒燈。遙夜伴啼螿。

萍

楊花散落碧波隈。逐浪隨流共溯洄。千點青浮魚欲上一池綠漲鷺初來。濛濛幾向烟中長。漠漠時看雨後開。爲問行蹤何處伴。水邊荇藻岸邊苔。

山塘雜咏

芳堤早度落梅風。門酒人來繫玉驄。燈市闌珊花市近。小樓疎雨杏初紅。

水閣山窗入望遙。銀塘新漲試蘭橈。青旗小店重重樹。六曲紅闌接畫橋。

玉蘭花發度清明。閑上吳船聽曉鶯。寫得春游新曲在。與誰

約伴合吹笙

花案淒涼事已非  
輕塵短夢淚霑衣  
茶蘼風裏春蕪綠  
一路紅襟掠地飛

王孫芳草滿迴溪  
油壁香車到未齊  
一桁水精簾半捲  
官黃淺額髩雲低

傷春情別最消魂  
白苧吳衫浥酒痕  
陌上花開人散後  
殘紅滿徑掩重門

王鳴韶

字夢律號鶴溪嘉定人新陽縣諸生有鶴谿臚稿

蒲岡山房詩話鶴溪爲鳳陽光祿之弟先祿移寓吳越主盟惠坊少年縱弄硯前  
者事走具門而鶴溪屏迹練祁間門兩版端拜維禱獨抱道經蘇文忠公謂文定  
淳古澹泊不求人知者似也雅情  
散體文亦極得嘉定四先生矩矱

題述庵先生三泖漁莊圖



遠山漏夕陽幽茫涵碧水數株不了樹中隱茅亭子地靜不  
逢人葉脫飄紅紫漁舟何處來隱約滄浪似

和孔鶴齋中秋宴集

露華清絕正中旬別傳過從駐畫輪北海筵開邀月魄小山  
花放起香塵詩成漢上題襟集酒近江南麴米春勝事相逢  
更難得坐間俱是素心人

水村

春水灘頭鳬鴨眠牽絲弱柳拂蒼烟遙岑一抹清如洗知是  
江南二月天

枳籬隱隱有人家竹外疎枝未著花覓得魚鱗黃篋舫蕩閒  
一帶荻蘆芽

諸延偶

字殿掄嘉定人貢生有嘯雪齋吟稿

贈別林協君

丈夫不得志別離易作惡與君結綢繆年甫逾總角出處同  
鄉縣嬉戲舞象勺才稱士龍奇齒是公明弱詎知行路難但  
識盡簪樂子爲獨角麟予豈凌秋鶚不久轉瞬間謂可翔寥  
廓逆足偶被羈俊翼還遭縛一朝落仇網奇禍偶然博號彼  
駢駢老吠此狺狺挺身幾落罔罔魂或飛鼎鑊何人思下石  
已分填溝壑跳身從東西竊父走疆索夜行墮坑塹早宿棲  
叢弱乞食命暫延贖金人未贖舉世無蘇雙誰爲解囊橐始  
知貨殖傳遷也有爲作仰首呼蒼天淚下如珠落省釋自明  
年姓名始顯托是時賤子身不才同屈雙方罷友朋悲旋邁  
死亡數抵錢時時燒麻衣歲歲著三喪葬未會有生不死若

袁門乏期功終因到鼠雀憂至能傷人興來時躡屣浪遊江湖間居然成落魄吳山既迢遙越山亦岿嶢間從王烈遊愛就陶潛酌有時碎胡琴那顧傍人愕以茲自消遣庶用慰落莫側聞林先生高寄城東郭原聊躬耕孫復仍開學庶同介之推奉母謝好爵不羨龐德公挈妻行採藥形影一室中圖史紛參錯彈琴詠先王六經皆註脚食古咀神明銜華鄙糟粕發爲詩古文洪鐘異竽籥外間噉名客不足資一噍同心二三子鄙人幸未却君無絕交書予果遠游諾築室練水澗塊然守寂寞惠然君如何幸不鄙菲薄寓園聊下帷空齋遂司鐸獨憐小兒子不足煩雕削顧惟大雅材傾心務藝藹况此同懷子因君復羅絡酬贈雜詩篇議論少桀黠往往靈臚肝時時見諸謠歌後笑鄭棻護前思沈約君時出一言如

以筮刮膜奈何勝事衰一別等飛籛王郎叔滇黔歸已復走  
京洛汪子綱數不偶又入蓮花幕回憶爾汝語依稀夢猶昨  
名士本無多奈此相思各今君復分手明歲兩飄泊別時千  
言煩意趣何綽綽不念臭如蘭翻然去似鶴同心而離居惴  
惴懼隕穫相期保令名毋爲任消鑠

陶春館印譜歌爲汪大綱書作

六書久蕪小學廢真行草隸徒紛紛相斯史縮不可作金剪  
玉飭誰窮論莽新變制及文字秦章漢印如絲勢陽冰轉注  
得天授指斥叔重苦未醇楚金兄弟掩羣雅別裁僞體真斷  
斷宜和天子盛文物敦貞甫甌彝舟尊欵識亦足徵蚪篆流  
傳不辨僞與真情哉收羅富章印著譜垂世初無聞宋元諸  
人逞妍媚王顏姜晁同等倫天水王孫最後出妙處獨週周

兼秦同時好手有吾衍垂金屈玉何紛綸風流未沫及明代  
絕藝獨數三橋文歸蘇朱王各樹幟檀園一老世共尊本  
朝名家不可數鶴田雲美雙嶙峋其餘程沈并徐許各各造  
詣咸空羣年來好事頗中絕金石著錄無其人知君嗜好與  
俗異鷗波海岳不足云明窻淨几森羅列銅斑玉血光磷磷  
建饒之瓷青旧石碑礫琥珀雙烏銀其鈕橐瓦及亭索倅邪  
獅子悉綜甄周官璽節漢斗檢大篆小篆形模分千年土花  
蝕不盡波磔鈎畫微帶皴字奇形古粹未辨以指劃肚空吟  
呻印以硃砂紙用蠶不令過眼同烟雲傳之奕世永寶惜明  
誠永叔同千春

汪 昭

初名景龍字綉青嘉定人貢生有陶春館吟稿

蒲陽山詩話網青少行詩名在練川十二子之列壯年從今大學士王公未子  
詩草舊在陝西相從者三載通金石能八分如臨潼張子祠堂記及修長武  
縣志記皆其所書又選宋詩最爲精當晚年窮經義有齊  
魯三大家詩義證大戴禮註今藏于家尚未能錄板以行

### 渡圓湖

晨光散菰蘆虛舟漾寒淥九峯浮鸞環三泖疊輕縠微風翳  
然來明漪恣遐驅芳杜淨可攀渚禽時相逐沿轉益清爽淙  
濛洗煩憊孤懷發元感一理滄江曲廻思塵網中形神祇踰  
跼

### 劉生鐵簫行

鐵簫老仙不可見鐵簫今見劉貞亭黝然深墨太古色非關  
幽隱藏奧屏夔襄般匠法原準梭節宛截簪簣形長餘二尺  
徑以寸鏤鏤孔竇如明星絳唇微齧半珪月其下穿洞堪垂  
絳鴻爐冶鍊黑金液鎮以太乙搏模型獨惜良工解振擗昆

刀曾未鐫遺銘諦審勿改定時代諒閱唐宋延千齡不然摩  
挲鏽蝕處雨掌何不霑微腥重光赤奮若十月朔日庚午纔  
舒蕤桐疎蕉萎風漸緊霜華點點飄簷甍試從筴中發天籟  
絃羅唳嚙聲龍玲大氣貫注詎防裂剗然沸情輟雷霆手容  
必恭頭容直聯絲絡繹神清寧孔雀白鶴疑下舞寐者驚覺  
醉者醒銀箏鐵撥那足數銅琶鐵板齊爲停紙斃玉石製亦  
雅遜此鑄鐵迫九靈君畜寶琴雷氏斲石絃碧絃尹與邢平  
安小舫足鑑古二方相對紅窻櫺慚余有琴典已久吹簫市  
上徒伶仃劉生爾才如青萍會常奏響登王廷奚爲落拓  
浮吳舸翩翩撲被東西冷夜深口吻吮官徵剛健流利寒燈  
青自寫長歌押強詞源挽壑輸滄溟劉生劉生爾細聽爲  
爾鉉錫磬新矧鐵蓮爲龍鐵簫鳳飛騰五采雲霄翎

秋夜林協君諸殿掄范菱蒼吳右旗錢學園王幼與  
毛又萇枉集草堂分得秋字

明月滿南樓高寒攬翠裘論文多舊雨把酒恰深秋霜落丹  
楓冷天空碧漢流相將看突兀吾道問滄洲

秦淮泛月

涼露娟娟漲暮潮芙蓉花老暗香消蘭橈徐蕩秦淮水秋月  
秋風送六朝

點點遙山影黛螺樓臺近水月明多青簾白舫垂楊外猶按  
南朝玉樹歌

沉沉香霧浸愔紗畫檻朱闌古渡斜一片清溪鳴咽水寒烟  
誰問故侯家

林大中



字協君嘉定人諸生有金庭山房稿

蒲褐山房詩話協君自負不羈究心風雅尋與某類令不協遂以他事累之收捕甚急協君不得已竄至我鄉郡秀才已留之經年藏於複壁久之令以左遷去幸而得免然協君自此意興蕭索詩才亦減矣

烈士行

老驥羞伏櫪烈士志難已有聲錚錚唾壺缺奮袖低昂坐中  
起東方千騎居上頭五馬歸來朱顏喜秦箏趙瑟翻新聲絳  
唇玉貌歌喉清蓬萊宮闕隔雲漢對面不聞鸞鳳鳴惜哉李  
廣愛士卒數奇不侯空遠征穿城蹋鞠棄梁肉騾騎居然垂  
大名卽今鄒枚多佳士雪月梁園爭獻技握中鉛刀快一割  
自炫白媒其所恥吳趨三月楊花新楊花茫茫愁殺人不如  
沽酒市中醉迢迢稽阮忘主賓亦欲相於竹林下却恐王戎  
非忘論余將去結成連隣彈琴東海烟波春

同俞萬華范紫庭施冠三程茂來嚴序賢跋堂遊馬  
鞍山拜朱處士劉龍洲先生墓下

西鹿山前落照遲  
回思風雨渡江時  
空陳草莽孤臣疏  
誰建中原大將旗  
同甫功名應自許  
放翁心事亦堪悲  
一尊敬爲先生酌  
其剔蒼苔讀舊碑

張允式

字傷若嘉定人諸生有海樵詩鈔

蒲楊山房詩話信若詩才清俊亦工聯體居嘉定華仙  
橋門謝客同里數人外無所往還故其詩罕有知者

古劍

空齋夜氣騰星躔  
龍光飛上滄浪天  
主人中藏太古鐵  
瓜皮玉色寒蒼烟  
模糊光喋犀兕血  
青白氣竭蛟龍纏  
純鈎湛盧不可見  
月黑山深風雨旋  
摩挲鐔鏐揚其華  
淬若芙蓉出片

片千年赤堊裂霜脂天精下瞰走妖螭雷公殛身擊橐天  
地亦爲相扶持流水文鈇珠衽脊指揮萬里雲沙白風胡老  
死茨山溷神物升沉自今昔簡衣手拂起高歌嗚呼劍乎奈  
汝何曷不飛去平津路蜿蜒百丈蟠洪波曷不騰化闔閭某  
虎魁白日蹲岩阿或爲繞指充囊佩或幻香九疊細碎十年  
不試徒爾爲千里飛鳴氣猶在風塵瀕洞豺狼驕江湖偃蹇  
魚龍高千金自向匣中老置之不異儕鉛刀我取華陰片上  
拭千秋寂莫誰歐薛莫輕憔悴馮公彈頗快詆諧莊叟漁魚  
紋剝缺世事平精靈壯士雄心鳴風雪聲寒海氣惡空堂夜  
夜神鬼驚劍乎劍乎慎自愛爾勿荻蘆吐光怪

拜先參政墓

青江江水日潺湲華表歛斜石獸蹲三世恩波封樹老百年

兵火斷碑存爭傳仗義收中使

守時江時曾以法羅中瑞之議加橋贊

終許陳情動至

尊

明神宗末廢疏乞歸終養

敬守一編明志在

著明志稿十二卷

異時具傳待龍門

朱璿

字元圃太倉人貢生有崇雅堂詩稿

蒲祠山房詩話元圃筆墨生涯依人作活見予於關中出詩相示蓋往來燕趙秦晉間所作其先得詩法於許子通沈敬亭二先生故不作唐以後語

虹梯關

平生愛探奇曉出平順郭村迴路忽峻策馬上巖齧一步一  
掙擐俯視恐脚錯轉輾達紅梯剗削更險惡扳攀列劍戟撐  
空惝猿鶴徑仄石四門巨靈不能拓一梯雲中標兩梯天外  
削千梯更萬梯歷盡氣已弱自有天地來此境誰探索往聞  
青羊冠當路恣剽掠維關實雄壯盤踞爲邱壑路澤鮮寧居  
并門亦震愕自非夏貴溪誰能此清廓勒銘以垂戒後世宜

鑒度設險維王公禍患慮間作迄今際 盛世草野安耕鑿  
無擾卽經猷鎮靜乃良藥寄言守土臣安民禦不若

抵家三首

出門三四年及歸轉憂悒沿途話平安自慰實恍惚入門見  
虛位幼弟駭已卒未及問棺殮先自心膽裂昔我爲飢驅鉅  
擗計實拙奉母得母歡賴汝慰我出豈知一分手竟作千載  
別長號恐母傷掩淚獨幽咽

登堂啟阿母阿母驚欲奔見兒捧兒面欲泣且復吞不悲弟  
長逝反幸兒尙存兒生亦何益浪跡辭故村三年太行山一  
載春明門救水艱復缺浪說供雞豚反使門戶計累母操持  
難兄是實種種親心益諄諄貧賤歸亦喜久別知酸辛傾囊  
沽斗酒且將別緒陳話長及亡弟相對傷離魂

中夜急叩門開門晤諸弟姪輩亦復來知我歸故里移燭認  
舊顏各各大歡喜相持候起居惜我風塵裏問我行路難思  
親慣流涕問我廣結交奔競實所恥秉性故迂拙貧祿少絕  
技問我囊橐中一卷詩而已天寒路逼仄千里慚負米問我  
歸何爲所願潔滌澣待鬼且守株焉得計生理我謂諸弟姪  
君子貞素履

玉峰潘玉川以曹素功墨見遺作長歌答之

古來墨官誰最工處晦獨擅燕山東以文章顯專雄封庭寬  
庭珪相承宗下及兩谷名則同近世獨稱曹素功想當斲髓  
精陶鎔真宰泣訴陰精通黑夜遍踏黃山峰斫斷十丈雲邊  
松金火木水子母融陰房日色慘不紅絕壁晦靄凝烟濃歸  
來玉杵三萬春捕麋煮角當嚴冬元霜鬱鬱浮天空以一勺

水試磨礪龍香上達層霄穹圭方璧圓信手籠一時價市張  
金重我生也晚不遇公焉得玉玦方玲瓏乘興一潑光熊熊  
玉山佳人翰墨翁愛我筆陣橫且縱特惠一餅如黃琮神珠  
的的貫其中鱗爪刻露雙赤龍犀文玉質蒼精銅開緘急試  
當曲櫛碧花騰躍金芙蓉落紙但覺烟濛濛嗟我平生愧雕  
蟲句無天邊掛長弓文陣那得中權攻得此鏊甲筆陣圖云鏊甲墨也助  
我筆上鋒呼吸恍惚精神充揮洒頓若飲澗虹便當疾掃素  
絹圖幽風不然圖作五岳真形容不然寫作賈董鴻文鵠光  
采照耀明光宮傳之萬世垂無窮

雪夜東在衡宋瑞文瀾諸同人

諸子今何似愁人夜不眠病貧當歉歲生計各殘年燈黯風  
吹壁鴉歸雪滿天飛騰吾故興吟斷地爐邊

秦淮秋泛

酒酣重上木蘭桡  
指點垂楊第幾橋  
十里烟花浮夜月  
半江燈火黯秋潮  
多情最是盧家燕  
感舊曾聽商女簫  
一種消沉付行客  
白雲何處問漁樵

上黨懷古

八諫山頭夕照黃  
長平秋色暮蒼蒼  
謀多轉售千金間  
勢去從占六國亡  
星散碧嶂依腐草  
風嚴白骨走邊霜  
新安甘萬同坑盡  
羸得秦人號虎狼

忠論堂堂斥董賢  
請登孔武與彭宣  
建平事勢危如卵  
司隸平生直似弦  
兩奏定應拚九死  
一官端許歷三傳  
祇今行步工驄馬  
猶自歌聲徹道邊

柔盛東歸已合謀  
永垂分霸自相仇  
燒糧逕欲趨臺壁  
頓甲



聲言下澤州纔出壺關枝葉盡便逢蘭汗子孫休叩甕雖老

猶稱智却道中宮誤晉侯

蘇軾不聽段后云爾欲使我為晉獻公乎終立衛滅于蘭汗

夾寨城邊感慨過三垂岡下舊橫戈錦囊負矢心元烈白鎧  
臨兵義更多生子當如李亞子優人忽愛敬新磨匆匆末路  
真無謂魂魄猶應戀舞歌

蕭瑟風塵五代秋明宗愛堦誤英謀招來捺鉢三千騎淪入

邊沙十六州空自忘恩通黠虜誰知負義更封侯

晉重賈擊吳丹下敕榜曰夷狄

大軍往平賊虜後降契丹有義侯阿孫饒有橫磨劍不洗桐兒稱父羞

許兆佳

字香巖雲夢人貢生有夢雲樓詩

次黃梅縣

知與家山近鄉音漸可通水山前度綠花比昔年紅小艇春

江外故人雲夢中到家堪計日恰趁楝花風

黃陵廟

在黃陵山二妃葬處漢劉宋建明

南望蒼梧路渺然黃陵宮殿草芊芊湘流不盡春風怨斑竹  
深藏暮雨烟瑤瑟朱絃長寂寞明璫翠羽自嬋娟紛紛帝子  
靈旗影落日愁予北渚邊

陳蘭莊

珪

以詩見贈次韻奉答

秋波短截楚江來晚市沽春一舉杯人集金庭能愛客山尋  
玉筍爲憐才香霏黃菊成高會影對青燈出雅裁交錯觥籌  
紛坐起蒼顏早見醉翁頽

琵琶亭感舊

江岸依依楊柳枝黃蘆苦竹不勝悲昔年游處渾如夢况說  
青衫下淚時

張夢喈

字鳳于號玉壘江南華亭人貢生有塔射園詩鈔

蒲楊山房詩話玉壘爲文敏公從弟家門風盛絕無進取之志所居塔射園原許  
吳使綱曾舊墅因近西林寺淨園較名皆石參差池水環其下有曉榮栢葉山房  
銷勝玉壘掩映高枕種竹澆花讀書樂道之餘工于篆法爾來易道荒蕪吳中士  
大夫無超于大行者今特廟廟堂傳之亦好古者所當興業也

班婕妤好怨

愁絕窺簾月驚來拂席風歌聲傳別殿秋色掩深宮漏永殘  
燈外情賦團扇中回思辭輦日恩寵有誰同

自題塔射園

晚榮山房

晚來山更佳斜陽入榮木落落成寒姿蒼蒼媚幽獨

遜亭

明月滿空山迷濛香霧遠思古咏梅人亭閒坐忘返

拜石軒

石丈形何癯當軒聳而立愧我非米顛對之不敢揖

塔影

珠輪裊微瀾金碧層層現向夜佛燈明千花湧波面

張夢鰲

字巨來青浦人梁子諸生有乃吾廬稿

憇指松菴東見性上人

閒居慘不樂小舫尋精藍九峰門列五神龕踞其南上人字  
見性皓月臨空潭佛法信無多芒屨遍須參竭來喜禁足一  
室局珠龕青蔬間白飯咀嚼和烟嵐躬耕三十畝澤澤草載  
芟顆粒出辛苦味比醍醐甘侍者今三人少壯俱丁男鐘魚  
雜末耜古佛開歡顏維余幼多病幽性便空巖塵緣苦未了

無生話彌漸安得從師遊  
梵英親瞿曇仍持居士律  
卯飲憑朝酣

雨後

雨過虛堂枕簟清  
微風謾謾豆棚生  
雲開忽逗斜陽影  
高樹驚蟬又一聲

王芳

字悅亭江南華亭人  
諸生有存樸齋詩鈔

夕佳樓

高樓坐超忽面  
面皆青山夕陽明一角  
遠在空濛間倚醉看  
孤鳥隨雲去復還

寄懷葉芳宜卽用留別韻

憶返中江擢秋風又一  
時寒江湖欲上草閣雨  
如絲采菊懷

前度開尊負後期知君吟賞處縹緲暮雲垂

曹錫黼

字菽衣上海人諸生給事中一士子

寄子京二叔用李太白送友韻

迢迢萬里路鄉國幾人行忽憶經年別無端浩嘆生秋風巴  
子國落日漢王城念我應回首吳雲一望平

寄葉松亭明府

白雁渺天末朔風吹客襟每思高卧者其此歲寒心只采柴  
桑菊曾鳴單父琴日邊無一字長悅嶺雲深

張登晨

字鳴谷上海人諸生有劬霞初稿繡堂遺詩

山塘雜詩

短簿祠前鶯亂啼  
真娘墓上草萋萋  
玉簫吹徹人何許  
小學蠻牋裏淚題

晴絲罥絮納芳檐  
初日微紅映綺奩  
一剪香風吹宿夢  
賣花聲起捲珠簾

木蘭小舫擬輕舄  
雙槳凌波有小姑  
醉向碧桃枝下過  
滿身月影倩花扶

邵炎

字珉高號玉蘂青浦人諸生

和友人作

仙桂雙株畫閣陰  
招邀曲宴意難禁  
酒香月下開缸面  
淚泣風前見蠟心  
紫陌車回人緩緩  
綠牕琴罷夜愔愔  
行雲行雨原俱夢  
莫向牆東抱錦衾

題石鐘山夜游圖

誰將遺跡問州鳩  
石壁空嵌日夜浮  
想見風高波浪響  
一輪霜月萬峰秋

陸文啓

字宇東婁縣人諸生有琴谿詩鈔

遊五松園

園林孰古今興廢滋感慨若非詰匠功焉能亘千載  
吳中師子林相傳自宋代樹石世希有游歷驚險怪  
度地無五畝奇峰具萬態變幻姿貌狀狎狎門雄邁  
玲瓏九竅通老米應下拜一徑洞口開躡足懼險隘  
行行轉曠朗忽忽迷所在展轉往復回迤邐靡有屆  
同遊各取路倏忽面相對分明笑語通咫尺分疆界  
小憩聽松亭

亭名

松風振清籟斑駁古龍鱗五株



競偃蓋靈根迸石罅儼向黃山貸得勢共昂霄憑空儼結隊  
目笑不暇接足力甚矣憊入山深又深不離卷石外始知造  
化工終非人力逮臺榭幾滄桑林巒永不壞千古倪迂圖流  
傳入一大內 今皇泣東吳徵圖降羽旆峯壑舊規模招提  
新藻績我今躡屐來欣然逐朋輩見所未曾見素心聊一快  
抒詞畧記勝姑了筆墨債妙境難具陳安得茲遊再

諸葛銅章歌

蕪湖人諸葛永年名祚能鑄銅章煉銅煉鋼皆自爲  
之精其業已三世外人莫之傳也曷哉沈丈客蕪湖  
識其人命作三方鐫余姓名號爲贈作歌以紀之  
岫嶠石鼓文泐茫六書精義留符章赤銅鑄出私印小炎劉  
制度逾圭璋千百年來磨滅盡花乳石刻爭輝煌阿誰嗜古

能邁古諸葛永年獨擅場永年煉劍如鍊石溫爐密室搜精  
良形模大小既就範鐵筆出匣齊鋒鏖秦蜀漢碑俱驅使猶  
史秦相窮偏旁興到偶然欣一試蛟螭盤屈生光芒鐫成雙  
印傳海內見者驚歎心徬徨露金削玉本閒事凌躡古製難  
形相永年三世神此技秘竅止以傳諸郭公卿購求不輕與  
絕藝敢用金帛償我從揚哉沈夫子千里馳送勞承筐入手  
把玩歎奇絕撫摩再四喜欲狂一心感激還自忖區區姓氏  
何由彰生平無分隨鐘鼎那見城南燭火光

宋相朱勝非微時夜見  
城南火光燭地掘之得  
印銅章

陸文蔚

字藹卿婁縣人諸生

讀嵇叔夜養生論感而賦之

嵇生龍鳳姿遐情軼天半有心避世羅寄書絕仕宦藥從山中採竈乘柳下鋸絲竹妙寄懷琴尊足留戀豎論論養生引年良有願豈知无妄災未克先幾見耿雉罹于罌冥鴻遭飛彈服餌縱有效羅織安能遁性潔乃禍媒才高招物怨千秋爲銜哀如聞廣陵散

哭碧螺周夫子

回首春風十載依茅堂猶是枕漁磯凋零前輩晨星少慘澹諸生舊雨非柳下風高誰定謚蓮溪學在楓傳衣惟將梅雨連天水灑作淋漓淚滿幃

何王模

字鐵山青浦人諸生有萍香詩鈔

過珠溪憶王述庵

三泖漁莊外秋風動白蘋著書人別久同字客來頻入洛馳  
名早登樓作賦新君恩方湛渥谷水漫垂綸

秋感

集唐

曲闌愁絕每長憑似證禪心入大乘世事茫茫難自料浮生  
擾擾竟何能芙蓉葉上三更月蘆荻花中一點燈秋後見飛  
千里雁流年無奈得人憎

唐彦謙

張祐

韋應物

鄭谷

李商隱

白居易

劉方平

羅隱

春日晚坐

微風園竹搖小雨階苔濕開簾放燕歸先有花飛入

金鴻書

宇寶函青浦人諸生有清省堂詩稿

夜宿玉清道院聞磬

涼露滴清秋東軒月華上志士樂幽棲靈源自開朗旋聞清  
磬度隔竹一聲響道以神理超心緣孤寂賞顧視丹邱人風  
姿覺秀爽示我玉牒文發我紫霞想萬籟忽寂然應知道機  
長

新秋夜坐有懷

涼風蕩夕陰輕烟忽消散離離絳霄側冉冉明星爛美人在  
高樓盈盈隔河漢仰視不能卽徘徊捲虛幔道路日以遙恩  
情日以斷欲報雙明璫愧乏青玉案惆悵不成章臨風起三  
嘆

望亭

水驛通南北江程列市廛人來黃葉渡亭紀赤鳥年行色秋  
風外鄉心落日邊浩歌胥口曲竟夕送歸船

朝天宮

丹梯雲氣接虛明，路入朝天儼碧城。  
劍佩聲移琳閣迴，爐烟香散石臺清。  
仙人花下翻金籙，羽客壇前奏玉笙。  
何日紫宮傳闕記，便從此地學長生。

有感

秦淮歸棹恨風烟，又是淒清乍冷天。  
樂府歌殘將進酒，霓裳夢斷小遊仙。  
明河有影飛秋雁，流水無聲響夜絃。  
苦念平江憔悴客，空勞日費大官錢。

寄王述庵方伯時將赴滇

滇蜀軍營壁壘齊，建牙吹角夜郎西。  
承恩方朔辭金馬，奉使王褒祀碧雞。  
水溢瀾滄春漲濶，雲連銅柱海雲低。  
征蠻舊日勲名在，常使天南靖鼓鼙。

朱位行

字因在青浦人貢生

登泖塔

竹筏乘潮去中流塢影分遙汀涼浸月古刹暗藏雲嘯咏追  
仙令屠亦水任青時與諸名士泛舟三泖棲遲羨隱君楊鐵崖有草元閣小蓬壺諸勝危欄一憑眺清梵

半天聞

王陳棟

字象隆青浦人諸生

積雨初霽偕友人閒步卽事

高閣依山岫晴雲遠若浮蟬聲林外噪蛙吹雨中收蕭散池  
塘路微茫烟樹秋同攜謝傅屐肯爲晚鐘留

王陳梁

字次辰青浦人諸生

蘭亭集吟

爲遇山林勝相於述禊修虛亭欣列坐曲水快清遊人與蘭  
同靜情隨竹盡幽騁懷殊未倦觴詠聽湍流

當春因寄興人在惠風天盛會當今日清言猶昔年臨文攬  
古迹和詠集時賢俯仰無悲慨興懷每暢然



湖海詩傳卷三十一

青浦王 昶德甫輯

汪孟錫

字康古秀水人乾隆三十一年進士官至吏部主事有

厚石齋集

補山房詩話康古曾祖晉賢先生讀書好友建襄杼樓以貯圖史有華及堂以延賓客故子孫皆好學能文而康古與都御史金公壽珉親戚得其指教者多又與萬孝廉光泰王西曹又曾錢少宗伯載淵廟切大抵讀書碑說考校精詳翹然自異於眾與其弟仲鈞咸以詩名江浙仲鈞有制石草堂集橫空排莽取徑畧與康古同因生卒未及與交故不錄康古又通內典乾隆癸未上欲刪正續藏經諸城劉安正公屬子與康古任之考訂去取俱稱上旨兼精術數自謂壽命不過五旬屆時而卒子如藻如洋皆從子問業如藻字念孫乾隆乙未進士由翰林官至德州糧儲道無詩如洋詳見於後

題紹興十八年同年小錄

輓近後器識文藝翻所專文藝亦孟浪十或八九然微公大君子人爵修以天題名拜黃甲法慧寺看駢肩主文緊邊白

周熱克副明詔宣錄前有十七年偶然同出身徽公第五甲第九十人鵠立誰

與賢馳驟東漢軌君言一何辱臣從田間來祈君三代前于

時期集所主管九人焉主管題名小錄何騰何欽承劉安世程丁里山與宗葉謙亭柴街韓彥直張宗元意謂循故

事竟附青雲傳竊聞貢舉議四科遞分年人才係風俗私憂

頗拳拳如公其人與鄒魯曠周旋千年羣玉鄉公本貫建州建陽縣羣玉鄉未

覺風流湮顧瞻數倫等路絕無由緣太息山陰人獨居豪傑

先狀元王佐紹興府山陰縣人

題寶祐四年登科錄

廬陵有年少兆夢騰紫雲哀然集英殿袍笏雄壓羣當時俎

豆想榮豈稽古云肝膽果鐵石倡率勤王軍殺身成仁義用

識文山文遂及謝與陸謝枋得陸秀夫俱是科進士綱常力肩分理皇殿季宋

得賢發未聞我讀萬言策諒哉臣對君不與考官王應麟賀特擢

心殊慙六百一人中嘯謝名利熏九十六科後自開寶八年始有省元狀元之別至

是凡九十六科獨守忠愛勤門謝紀已未第二年已未始門謝錄中有表策死知所欣云何

同枝樹壁也憐猶薰壁亦是科進士給錢倍昔典舊有小錄錢是年以支用不敷聲給降一千七百貫支治

賦窺餘緼本貫下有治賦字樣往往綴細碎益顯名芳芬請作千佛禮佐

以栴檀焚

幻居莽觀華嚴墨海華嚴經八十寫行願品一寫明萬歷間名人分寫

中峯國師餘精靈法雲下護華嚴經食肉漱口此來視紛綸

抽帙緇流驚法領所得法業譯大方廣佛昭千齡道琳青鎮寶閣繪

豈有受持意走乞五載莊嚴成人八十二寫八十第三十六寫兩人合寫斬

新筆墨光流晶云何寶閣不能有百年兵火歸禾興名卿士

夫不可悉高僧善女都留名逃名或不署姓氏聲聞之外尤

芳馨是人所書字畫一如雨蕭散沙匀平又如衆生壽者相

湖海詩傳卷三十一

二

證性各自殊模形傳聞華亭寫其一巧儉不復留禪局補書  
之人信好事所惜完善非前明籤題一一辨草篆寒山使筆  
能飛騰莫誇金澱顏色異何讓葉紙收藏精諸人寫經多妄  
語有無功德疑相爭經言非寓亦非實此中妙諦高無層不  
見有經何況字在人饒舌翻縱橫東郭學人勉事佛廬居手  
繙書素綾元忠萬字寫爲父我亦爲母資往生孫元忠爲父寫華嚴經累萬字  
坡公跋其後老僧作樓妥安置善因勝果今方并行須廣乞四大部  
盡寫付汝充箱簾

岫巖碑搨本二十韻

大禹敷文命神謨繼有繇九州荆漢畫五獄祝融攀澤洞災  
方澹蒸黎食既艱刊碑先繆篆授簡達夷蠻詰屈成科斗離  
披出草菅象形愚目駭叶韻聖經刪青赤誰能見丹鉛或未

嫺歌廣咨益佐吁咈訓苗頑管說云亭禪韓驚涕淚潛天神  
呵護久道士勒墓怪鏡水流如故滇雲割以還蹄迹尋舊迹  
苔蘚剝餘斑宛委書同秘黃能血借殷經如圖怪物鼎卽鑄  
神姦泗瀆支祈鎖螭頭太室顏霧迷愁曉霞字泐辨迴環揭  
勝囊符佩裝輪閱市錢範陳通物始圭錫重人間未許陽水  
學寧齊史籀頒遙思聲教訖萬古仰隨山

雪後聯句用昌黎雨中寄孟刑部幾道聯句韻

冬春乍遷嬾里巷紛謁拜萬光泰勞君着屐尋助我劃灰話孟垂

冰遞長簷積玉監空界光泰稍稍初日瞰旋旋晚風噫孟搖松

白奮攀落桂青破械光泰餓犬聲欲沉凍雀意自怪孟氣和奪

候慘情密忘禮殺光泰謂言久周旋其奈遠行邁孟崎嶇

首燕路惆悵背江介光泰把盞酒未魔掃壁詩且疥孟德荷金

錫斐志愧騏驎快

光泰

鬚髮及未斑羽翮肯受鍛

孟錫

獨往思輓

推羣處切誥誠

光泰

方當飲醇醪庶令起沉瘵

孟錫

陽施動雲雷

潛化被草芥

光泰

歲華與俱新造物固不憊

孟錫

虛心開苑枯大

氣鼓成壤

光泰

如火觀昭融如川汭游弄

孟錫

異色雜丹齡衆聲

合任昧

光泰

古情醇乎醇外論喝復喝

孟錫

撫時力堪努載重績

恐敗

光泰

京洛遲再遊蓬海讓先屈

孟錫

牧無三百羊釣想五十

惜

光泰

良壁文騰縑利劍光溢蒯

孟錫

山人衣結鶉都女髮卷薑

泰

光泰

翱翔邪天門就業守聖戒

孟錫

深情積繾綣至味領咀噉

相將壯其猷

光泰

大勝錫我玠

孟錫

別憐冒塵土歸約剪葱薤

哉貞吉升行矣君子夫

孟錫

朱炎

字桐川號笠亭海鹽人乾隆三十一年進士官阜平知

縣有楓江瀛洲湖樓諸集

蒲弼山房詩話卷一 行作吏而著述之念未嘗一日忘好古多聞撰閣說六卷又抄明人詩十四卷餘皆未經刊闕其詩五言如秋先桐葉下涼在雨簾多山平依檻立水曲抱城流鐘晚沈荒寺湖平鴈野征七言如湖開遠岫雙蟬曉花深晴波一鏡春還水自蘋明月波隔溪紅袖夕陽樓前閣夕陽殘醉後板橋流水獨吟時菰城水裏迥孤棹別屋人烟又一村葉落似將鄉思墜鶯飛偏共客心流置之宋元人集中亦爲佳作

登山至茆巷小憩

海天本寥廓連山蔽光景遐心到層巔力怯氣偏猛纖徑出  
松梢微茫若懸綆突兀忽趁人欹石壓我頂曳杖足先踣驚  
魂目難逞仰干苦偈仄回盼忽修整山阿結僧廬簷戶負崇  
嶺其旁紛坡陀其下快清迥亂山望的的原田橫町町俯瞰  
籬落間春茶傍石井呼僧汲山泉小住試新茗落花共鳥墮  
歸雲上衣冷坐聽鐘磬音團蒲發深省

下山憩嶺半坐石壁下

性慙不知疲歸途更延趼石骨忽開張流連未能去削若斧  
闕鑿怪似獸蹲踞漬雨細點苔崩雲亂倚樹離立面向背支  
拄體交互殊形紛羅列詭態變已屢更復踐仄徑騎危目遙  
注坐久日蔽虧心遠鳥軒翥樵歌下清風遊子潛忘慮彼美  
山水姿茲遊悵岐路前會常望東南蒼茫指煙霧

至韶光觀金蓮池登絕頂望遠

攀林出叢篠耳目忽露爽傳聞長慶僧卓錫得方丈寒泉滴  
金蓮已足滌凡想爲誦謫仙詩懷古轉神往取徑越巖嶠憑  
高闢塏垓大海遠不波羣山共俯仰下矚吳越區歷歷紋數  
掌空煙蕩溟濛虛室迴疎朗丹竈翳榛蕪石筍立林莽安得  
招僊僮飄飄去塵鞅

下山紅葉夾路支竹穿林至玉泉觀魚



登陟興未闌白日欲西去山光半明滅斑駁見紅樹竟欲回  
陽春豈必歎遲暮徑迂延賞多足倦支筇助餘情眷漣漪縈  
紆愜幽趣望望未入門流泉已交注側步睇微波潑刺翻紅  
素裴徊坐軒檻翠色襲衣屨晚景怡人心吟情起行路歸來  
逸思橫雲林屢回顧

讀表忠觀碑歌

表忠之觀錢王祠趙公奏疏蘇公碑匪私於錢忠以勸筆力  
透紙燔蛟螭至今往蹟半零落賴此激發行人悲吾來碑下  
刺薛讀俯仰形勝增嗟唏金陵錢塘兩都會東南財賦稱不  
訾真人乘運宰天下南唐逆命遭創夷忠懿去國等傳舍歸  
土不必勞王師錢塘遺民數十萬湖山依舊紛遊嬉玉帛子  
女久相保康王南渡猶堪支勒勲應得鑄鐘鼎此碑良足千

秋垂廬陵作史論十國胡乃於此多微辭吁嗟八姓代五易  
中原塗炭無窮期黥髡盜販乘間起四方豪傑分邊陲閭陌  
荆蹙蜀漢險紛紜蟻子爭雄雌堂堂勲爵出吳越擊郢功始  
乾符時破劉誅董樹奇績功成受賞王爵宜歸鄉慷慨歌民  
俗牛斗無孥人無欺勤修職貢可安堵何愛象犀水貝璣剝  
剝豈不犯衆怒保傲奚爲民思之可知忠孝世所守元氣能  
入人肝脾爾時九國皆僭亂以較吳越似者誰熙寧往事忽  
千載龍山回首觀已隨巋然此祠又誰作靈風颯爽懷鬚眉  
荒碑風雨幾秋徙日銷月鏤還扶持感歎今昔淚雙墮摩挲  
不惜手生胝

對月待友人不至

松際月初上山中人未歸鐘聲何處起煙樹望中微瘦影移

筇竹寒光照客衣此時可乘興未得掩雙扉

西湖雜詩

樓外湖光一鏡如憑闌隔柳看叉魚山厨亭午炊煙直正是  
銀刀出水初

楊公隄畔水田園烏柏陰中布穀飛若得一犁兼一犢箇儂  
於此澹忘歸

九里松陰山徑開琮琤溜玉樹邊來聽泉一路過三竺又值  
雲林放梵回

采茶歌絕采蓮歌扇月衣風瑟瑟波試罷旗槍閒倚檻夜來  
香在水亭多

金兆燕

字鐘越號棕亭全椒人乾隆三十一年進士官國子監

博士有棕亭詩鈔

蒲陽山房詩話棕亭赴黃山諸作奇崛可喜常過吳門訪余不值寄詩云山塘碧漲水初肥柳下停舟一款扉卧榻不離裁竹徑行窩祇傍釣魚磯半簾疎雨客何處滿地落花春欲歸莫歎離摩頻示疾天遲人亦減腰圍又工院本在揚州作旗亭畫壁記盧雅雨運使刻之生平不耐靜坐愛跳躍多言笑故時人目爲喜鵲

文殊院

登山不問途容足便舉趾雲肆垂仙蕤霞窟疊幻綺滑捫蛟  
室腥險攀雀巢庠企空隔仙凡移步判生死從僕勉役隨導  
僧屢前俟穿透天一線漸觀海千里蹣跚入小菴枯禪方隱  
凡炷竈蒸白蔬石鼎煮赤米休足得展目杉根頻徙倚奇石  
擲元熊怪松闔蒼兕佳境知漸入未敢言觀止不待曉鐘鳴  
牀頭覓棕履

慈光寺

雲裏來鐘聲不知寺何處但見狢猿羣紛紛入竹去深澗架

獨木俛仰絕所據路轉境乍闌紺宇互驚蕭峭壁作縑垣陰  
森舛昏曙遙覓十餘里清泉不假濾古佛參四面塵緣滌萬  
慮秋旻月正高山氣寒相助日晞獨蒙絺夜開謀擁絮詰朝  
更探奇濟勝具當豫藤杖選枯根芒鞋剔殘淤燈下強老僧  
山邛細條疏

### 鍊丹臺

我生困塵濁偃蹇蟪蛄窟欲乞餐霞方那無入星骨履險拚  
微軀探異陟磴兀筇杖荷芝簦不敢畏顛蹶軒皇乘龍後僊  
境多荒忽嵬然鍊丹臺萬古高嶒崱鼎鉞銚偃空山龍虎氣未  
歇孰調文武火嬰姤燄騰勃山腰百步梯一步一蜿蜒後肩  
續前踵上履躡下髮銜尾似渴鼠帖腹若飢蝎踣膝憩崇岡  
齋心通冥謁白雲爾飛來吾將排金闕

舟過橋李

枉渚由攀北寒雲上杳冥酒傾銀鑿落歌愛玉瓏玲磨劍干  
年石落帆何處亭鴛鴦湖畔月今夜照孤舫

寄懷吳岑華先生

西風木落萬山秋倦客懷人獨倚樓月到古牆聞蟋蟀夢回  
空館聽鶻鷃定知舊徑懷羊仲誰向新豐識馬周江水冬春  
如皎鏡何時搖艇一來遊

貝葉金經小閣中知君權實悟皆空香爐鵲尾安髹几文竹  
魚須冷畫蘂自放形骸友麋鹿閒看得失閒雞蟲三塗八難  
消除盡底事還留綺語工

秋日過款西鄭氏書樓偕吳二猷芻小步近山同訪  
吳大松原歸飲月下三十韻

千峯曙色曉蒼蒼極目西風客思長  
蕪井蒲晨辭燕婢綺腔  
豐歲咒鴉娘偶經古鎮知巖邑爲訪幽齋過野塘  
小閣高懸  
徐孺榻寒流斜抱鄭公鄉疎籬六枳開花徑曲岸雙扉轉畫  
廊旖旎青帘沽酒市珊瑚絳帳讀書堂  
高名自昔原齊富奇  
字如今只問揚上足人皆夢秋駕垂髫女亦誦靈光  
垣衣雨  
後侵琴薦壁帶塵中冷劍囊璃匣米山鴟細溜牙鉞鄰架體  
半裝一編別集名乾牒幾開新詞號弁陽露漣薔薇纔擷秀  
霞明楓榭更尋芳橋橫畧約明紋縠鐘吼蒲牢出寶坊擁展  
乾沙枯澗澀臂衣弱蔓古藤僵鶴巢晚隱深林赤鹿柴晴堆  
落葉黃雲過歌臺鳴響玉苔封恨冢弔幽香百弓地復開佳  
境半刺綾旋謁阿荒戶對奇松青倚蓋堂迎修竹綠排槍  
榭  
頭船小牕前過洗手花粗砌昨昂鐵榦丁丁聞啄木金鈴楚

楚見治牆翠屏如畫橫高巘綳袞連雲歷古牀據案書癡應  
似竇揮毫草聖詎輸張山分點允真堪美津躍機雲不可常  
險隘迴尋朝徑仄虛簾早見夜燈煌論文座上冥心會射覆  
筵前蓄意藏紅燭刻時詩虎捷白波卷處酒龍狂何須倚檻  
悲王粲且自欹巾問萬疆蛩語驚心墮四壁虬壺瀝耳報三  
商國香忽入林蘭隊經袖真趨帶草旁雙眼瞋瞋濃醉後一  
輪寒月滿樓霜

謝垣

字東君嘉善人乾隆三十一年進士官刑部主事有壺

領山房前後詩集

蒲得山房詩話東君家住楓溪是水雲深處性情蕭曠雅尚清幽能畫尤善琴跡  
涉軟紅志同物外與其弟以城少宰比屋而居一則丹靱盈門一則青苔滿院披  
其惟其人斯在誠有有殷韓之別焉  
詩近歲冬邸錄其佳者以見一斑



秋夜

戒飲難耽寐易吟  
易得愁月明窗誤曙霜冷被知秋  
紅葉吳僧寺黃花楚客舟  
幾時幽賞遂慚愧海邊鷗

七夕前一日

初鳴蟋蟀早秋涼  
團扇遺憐夜未央  
解恨欲傾千日酒  
招歡聊蕪五雲香  
柳因腰瘦難舒眼  
藕爲心虛易斷腸  
聞道來宵牛女會  
起看銀漢露漙裳

嘉禾寓中聞秋蟲

何處瓜畦絡緯聲  
虛堂欹枕正三更  
旅人本少思鄉夢  
都被秋蟲暗織成

沈世煒

字吉甫號南雷仁和人廷芳子乾隆三十一年進士官

至禮部郎中有澹俱齋詩集

再過郎岱恭朗軒司馬招飲夢魚亭卽席率賦

薇省相親憶昔年重教兩度續前緣茅亭小築依苔徑山雨  
初來響石泉萬里征塵銅鼓外一尊鄉思鏡湖邊多君念舊  
情彌切欲別重留意悵然

孫志祖

字詒穀仁和人乾隆三十一年進士官至監察御史有

頤谷吟稿

蒲弱山房詩話始較性情滿落清修自好由西曹而遷監理卽以病歸湖上中年  
後留心經籍作家語疏證六卷蓋王肅假此以炫其治詩發條分縷晰解其癥結  
有功於鄭學者甚大其外如文選理學傳與補一卷以吳四卷李注補  
正四卷刻於桐鄉顧氏誦畫樓叢書中皆見詳核子同元能傳家學

寄懷詠駿弟客湖南

別緒思無端難忘送行日風颺短袂寒雨灑庫篷密男兒美

壯遊輕裝遽遠出我歸夜已闌秉燭恍有失却憶對牀時聲  
聲聽蕭瑟長安名利場迫我離親側獻策笑別庭讀書慚面  
壁落托意何如倏然歸故室渡江得家書字細紙纔一誰知  
寄令飛翻作鴻雁別過廣陵知昆岡兄已至粵東念我出游初年纔十六七壬申  
進京時余年十六汝今年略似頗亦愛詩筆洞庭亘綿緲騷人代著述  
橘柚垂秋深烟波澹木末嗟予行役者彈指光陰疾爲詠三  
陟章安能久鬱鬱

### 落葉

秋霜一夜衆林萎葉落成堆未掃時流水年華人易感辭柯  
消息鳥先知小園竹徑風聲寂遠樹柴門日影移莫道婆娑  
生意盡憑闌點筆好題詩

榜姓吳字行之鎮洋人乾隆三十一年進士官寧武知縣有北窗吟藁

宿椰梅巷

片玉樓頭拄杖輕襟情滿洒俗塵清直將海氣疑雲氣祇有泉聲雜雨聲清磬遠傳齋醮肅翠嵐遙接篆煙平雕甍鉅砌仙階近閒繞朱欄獨自行

次韻陳玉臺侍御京邸見贈之作

一從捧檄出京華獨向三邊坐吏衙無復春明敦舊雨厭看秋塞涸寒沙漫勞雛鳳新章好來詩尾句云喜聽清聲在雪路丹山雕鳳啄桐花蓋爲大男兆孫作也最憶元龍逸興除但得郵籤時遠遞絕勝隴上寄梅花

行縣至黃松洞

碧峯陡立勢巒岈仄徑崎嶇屐齒艱深澗有泉容易沁洞門

無路孰爲攀沙盤鵬翮遙遙認樹作龍鱗面面環一事差處  
樂天叟不須偷出事遊山

齊雲山天門

境入仙源勢屈蟠碧雲深處任登攀神靈不阻修真路闢闢  
先開第一關

香爐峯

絕磴高陵碧澗空孤撐石鼎篆雲濃人間香火應嫌褻縹緲  
憑虛峙一峯

徐以坤

字含章號穀菴德清人乾隆三十三年舉人官國子監  
博士四庫館書成議叙以主事用

蒲褐山房詩話穀菴爲觀察以泰之弟好學能詩與錢樞石查藥師友善所作亦  
如之而中年病痿不能出庭戶雖入京師爲校勘官盤桓一室四顧皆護以重幃

日中往往燒燭檢書好延賓客予常入其臥內又使其子受業且命之  
歸浙江繼賦明年子暴卒致養病已劇遂請假歸未幾亦歿詩文俱存

九日

怕說題熊節愁多病日侵帶圍看又減藥裏癩重尋廖廓悲  
秋氣粗豪伏櫪吟茱萸休細把逆旅任光陰

戲爲絕句

蕪城春雨柳珍珍司理年時酒榼擔明月二分橋廿四好春  
天付與江南

秀州一老腹便便博物研經取次專詩史一朝公論在獨嘔  
蒙叟愛松圓

陸敬

字默齋吳縣人乾隆三十三年舉人官內閣中書

普門燭口行

老僧登壇作胡語普度十方需法雨林深月黑風颭颭恍惚  
靈來嘯嚮侶空中陣陣飢鶩呼臺上梵唄聲模模糊願將調御  
慈悲力先使人間少餓夫

獨遊武林雨中至舊館

荷笠重尋勝茲遊信不羣人如曾識燕山有未歸雲隔岸雙  
峯隱衝烟一艇分臨風懷舊侶話雨燕鍾薰

陳初哲

字在初號永齋元和人乾隆三十四年 殿試第一人  
及第官至荆宜施道

張桐村屬題垂釣圖

穿林坐石面晴湖分得閑身六逸圖掉首好從巢父去一竿  
東海拂珊瑚

斜風細雨入吟毫漁父詞成托興高我欲煙波最深處也投  
香餌釣連鰲

陳嗣龍

字春漱平湖人乾隆三十四年 殿試第三人及第今  
官副都御史

遂平館舍和褚筠心前輩韻

幾日看紅葉重來蔭綠天霜華憑點綴樹影得清圓讀書雲  
生壁敲詩硯滴泉僕人貪偃卧那解愛便妍

旅迹原泥爪俯然客思增林深遲夜漏風細曉秋燈小憇何  
嫌久迴闌取次憑皇華期報 命信宿敢云能

任大椿

字幼植一字芝田興化人乾隆三十四年進士官至監



察御史

荀勗山房詩話幼植少以詞賦知名所擬古樂府劇爲錢文端公所賞既而覃情經術尤熟於兩雅說文廣雅諸書皆撰出仇字林攷覽八卷又刻釋經九經三傳沿革例諸書同時有沈君振基亦通六書官宗人府主事不攜妻孥寄居僧寺暇車一兩飯以入署歸則杜門閉窗忍飢餓而清苦之況人所不堪時論高之與于交善因無詩可錄附見於此

惟泰元

峩峩壽宮聿祀太元神光下流紫烟氤氲太元胚胎遑探其  
根輒坤之軸闢乾之門三五騰逐掣於天根漢漢之委下交  
崑崙岳瀆異脈乃一其原天裔鱗羽肖於不言炎邱燭龍南  
且北昏人性習合如居一垣杳不可測其道至尊爰薦清醑  
奠以瑱璫龍文金景鼎爨是敦冥羊神臬列陳帝閭靈來裔  
裔龍旌載翻綬皇景福總齊四藩

天門開

天門開光煜燦流紫壇輝日堅仰帝闢橫斗杓珠熒黃相璫  
錯皇駟騫騰格澤回薄歷次十二畢會其絡拂鈎陳九旂翻  
游極下闢端門圓靈躍乎金穴羲曜起於天根火齊爲堦玉  
砌垣中有銀潢貫其藩乘雲輶駕鸞輶裔裔詠詠往若疑神  
光瀛蔚臚所知如歷中垣卽靈威金薄華蟲擢鈴綏丹書綠  
字天語奇用褒姬德錫乾儀聿撫九有萬億期

赤蛟

赤蛟綬青芝葢夜未央炳蕭艾神欲來零露沛風爲軒雲爲  
旃萬祇位肅瑤堂雲母屏明月璫錯珠網爛生光列于羽爽  
絳簧麟以脂龍以脂席火齊臂文貝鬻金合氣氤氲精奕奕  
來無門九蘊燎金支翻祝致詞神惠之

朱鸞

朱鷺矯以翼來翔廟廷赤星斑斑角彩騰精延頸而起思太  
清不思都宮闕室洞洞冥冥犧象雲雷羅縷宣幽靈登歌兩  
兩各抗纛與旌紫綃霞駁金支參橫七音弼弼經緯生不依  
軒墀遑遐征朱鷺矯以翼將游倉浪之天摩華星潢漢十二  
樓但見鈞陳熠燿爲藩屏殺翮下墜引足上騰欲薄中黃決  
背一鳴天門呀然翩何不來下天子聖哲靡不率庭靈雀之  
集難強名羌何炳炳揚朱明雲罕以羅緜以縈獻閭闔炳赤  
瓊億萬世歌由庚

烟雨樓

策舟及平湖竹樹引佳興渚近棹漸遲沙平纜初定拂衣緣  
木杪躡屐臨丹磴疎雨寺門來春寒在蘿逕松房僧語稀餘  
情入清磬移時促歸帆雲水易成暝近郭烟穗斜穀穀寒鴉

應

徐秋涓邀留王雨亭先生松下清齋話別卽景贈懷

一首

躡屐渡溪橋弭轡及村渚墟中寒色來窅然入闕戶君指平  
流餘小閣促延佇上堂欵主人云客曲江蒲欵我具羹糜君  
意何縷縷話別難爲情不願竟其緒下階散清襟風泉乍廻  
互拍竹色無多厭性此中取燭剪夜窗明妙契一相語

至了義寺

過塢指疎林到寺停雙楫風吹烟穗斜入戶氣蕭屑境僻罕  
來蹤日落見殘雪隔竹聞歸僧相遇無言說

發秣陵

餘事畢羈况早行猶及餐放船歸思減久客別人難去雁宜

平水微霜生薄寒不知昏靄裏已過幾峯巒

延陵道中

又乘白舫向天涯路入延陵極望賒盡日吟情連鴈鷺一秋  
風色在蒹葭閑梳短髮清霜見忽脫征帆落日斜尚有鄉園  
數弓地種麻殊羨野人家

舟次吳閶懷薛香聞

闔閭城近蓼花疎幾曲橋通水竹居作客每隨歸雁後停橈  
正及晚餐餘人行紅樹村中雨潮落青山郭外魚咫尺尙緘  
天末怨秋船漂泊一裁書

宿瓜洲

小歇扁舟柳外曾松谿渺渺出疎燈三更月落瓜洲渡行盡  
青山見秣陵

陳朗

字泰暉平湖人乾隆三十四年進士官至撫州知府有

青柯館詩集

蒲初山房詩話泰暉以乾隆己卯浙江鄉試領解癸未會試卷在子房四書文典雅肅括薦時總裁皆謂可元而蔡文恭公以論有小誤擯之既揭曉始知其名悔已無及矣蓋己卯浙江主試即公子奉鈞編修也後以己丑成進士改刑曹兼長案牘劉文正公總部深相倚重而君性沉默且嗜酒不善于同事至上官相待亦疏久之循例出爲太守非其志也年近五十而卒嘗有句云塵緣夏已了幻相此何論又云養生託壯老齊物任彭殤則其於去來間故已視如露電

石帆山用謝康樂遊赤石進帆海韻

到海地形盡山勢殊未歇突兀見石帆遠與波出沒孤頂凌  
四垠遠島渺一髮轟轟胥濤翻颺颺颺颺風發陰火燃秋霖陽  
冰結炎月時見樵牧人挂席來百越嵌空絕壁下想像白龍  
闕盤渦激雲根落日意超忽回首長墻山丁丁樵斧伐

題蘭泉先生三泖漁莊圖四首

閩道漁莊好高居三洲間門前滬瀆水屋角細林山塔影中  
流直鷗思別浦閒京華清夢遠畫裏認柴關

雪水連天濶烟羅隔岸遙夜潮移滬葉晴日養魚苗草偃鷗  
鷗舍花藏畧句橋此中多樂事可以酌霜匏

處處山臨水家家耕復漁人披青襪船掛綠脰疎返照宜  
修網澄潭好射魚春申浦畔路絕勝五湖居

三江古澤國風物最宜人名貴朱衣鮓松江有朱衣鮓見蘇軾詩註藥傳紫線

莼鄉圓饒野思毫素見清真欲挂帆竿去相隨理釣綸

### 楚江返棹

雨止月未上蕭蕭楓葉丹柁聲放溜急帆影入雲寒村酒難  
成醉旅愁耐可寬扣舷何處客漁火在前灘

### 春繡詞

紅襟新燕已誦誦陌上天桃開兩三買得越溪絲半幅唾絨  
寫出小江南

伊朝棟

字■號雲林寧化人乾隆三十四年進士官至光祿  
寺卿有武彞山人詩集

讀史

走利世如驚君子貴潔已結駟雖英賢桑樞亦志士歲時缺  
伏臘釀金謝閭里貧士加孤雲無依亦自喜何勞太史公而  
今爲慚耻

秦令紛牛毛無救羸民亡漢網漏吞舟約法止三章文景持  
寬大本好老與黃清淨民寧一曠蕩仁風翔建元元朔來酷  
吏嚴風霜騶虞已失職蒼鷹斯擅長法律持事君豈能致虞



唐首鼠與轅駒結舌氣不揚卓哉汲長孺伉厲排張湯

西京兩太傅干春令人傷賈生天下才絳灌指爲狂雖蒙宣  
室召再黜乃進梁董公經術醇漢儒誰頡頏一出傳江都終  
老事驕王英俊沈外僚軾軻淚霑裳顧彼寒泉井心惻徒徬  
徨

志士苦獨清貪夫苦多欲鄭相戒焚身宋卿善辭王下田分  
廢邱孫叔願已足鮒也誠何心帶輒徵穆叔谿壑豈易滿其  
已如轉燭渴不飲盜泉熱不息惡木玉壺貯片心濁泥詎能  
辱

秋日登永定縣北樓三首

信美非吾土登樓感易生寒烟通遠渚落葉滿孤城淒緊瀟  
生興遲迴庾信情歸人元有淚不爲聽猿聲



王戊二月廿八日同曹恂愚李補樵遊寧邦鵬酌鳴  
珠泉逾中茅峯憩茅蓬遂遊拈花寺上竹竿嶺歸宿

上真觀

遊山獲同志飯罷攜枯籐仄徑尋舊題捫蘿憶吾曾

庚戌秋日同芝巖月

清題名石壁

祇林面修竹院靜疑無僧溯昔遺榮人於此避弋矰隨

行老兵去逸事今誰徵

相傳宋魏斷王隱此山

山腰採泉脈峭壁青峻嶒鳴

珠手可掬石磴三人憑一酌百慮釋再酌塵心澣

寧邦茅峯左茅蓬茅峯右峯鵬開寺門諸峯獻羣秀我來當  
仲春晴翠落襟袖寺僧八十餘以靜獲老壽飢掘山筍燒渴  
汲山泉漱爲言靜中味可曾不可授嗟哉塵世客自愛實自  
冠吾亦未離塵將衰悟計謬

鍾吾本僧廬今爲羽士宅拈花占山麓依然古香積門前澗

水清門內峯巒碧庭陰喬柯列下有舊行蹟僧雛供伊蒲一  
飽聊岸幘齒增雪盈顛歲逝駒過隙回思十二年汨汨竟何

獲默愧耽幽人長年憩泉石

余不到山  
十二年矣

斜陽忽西下林外嵐光沈拄策尋歸途竹竿路欹崙徑轉睇  
雲間遙傳笙磬音肩波太湖白重岫靈巖陰意適興有餘茲  
游愜素心道契性不隔味澹情彌深蕭蕭松風中孤燈照幽  
襟題詩待補圖並以諸玉琴

補機善書其  
伯能琴故云

立崖司馬於戊戌歲假歸吳門寫行看子題曰天遠  
歸雲繼之任楚中旋有輪臺之行逮丁未歲歸里而  
是圖已失令弟賓嶠購之市中立崖重裝屬題

蔣侯持圖索我題滄滄白雲起尺幅云是良工爲寫真驚心  
光景奔輪速憶昔人歸豈錦堂扶簷碧樹新於沐逸興蕭疎

寄暇長英姿颯爽流遐矚溪藤散彩頰添毫斐几湘簾幽賞  
足紅塵滾滾歲堂堂過眼雲烟寧省錄飄零流轉幾經春收  
度何人秘深積阿連贈贈意良厚紙色淨如手未觸當時寫  
圖亦偶耳誰料先幾若預卜天遠曾穿塞北烟雲歸仍戀吳  
山麓敕勒川邊秋草黃晴川閣下江波綠船唇馬脊夢模糊  
蒼狗白衣紛滿目人生行止或使尼得喪悲愉互倚伏君今  
七十正康強白月看雲卧繡谷晴窗故物重摩挲何異楚弓  
與鄭鹿題詩作記憶前塵失馬塞翁真是福因君我亦念行  
藏輪蹄半世空馳逐老矣身同退院僧童焉心似新生犢閒  
雲一片許相依二老風流庶可續試問爲霖天畔飛何如含  
雨巖前宿

治園石筍歌爲范芝巖作

拾園佳日吾頻過高下犖确窮烟蘿園中奇石森成列形具  
堂密岡厂阿今來方亭復小憩亭北忽蟲雙髻螺籬根新筍  
初解籜訝此甲坼青嵯峨主人爲言此石古入世閱劫如觀  
河宮詹勿齋雅尚愛林壑太守雲泉投老遺簪綯當時名園寄清  
暇先後石畔來婆娑風前坐品幾嘆賞月下醉倚頻摩挲百  
年人事轉頭換兩番興廢真剎那奇章不作米顛老委此異  
質僵州莎園丁竈養豈知惜荒榛枯蔓紛成窠昨朝移致爲  
拂拭故知有美難埋磨剝沙剔蘚位置妥瘦骨漱水寒生波  
含風清韻鏗可扣溜雨翠色圓成渦高齋新霽卷簾坐紀事  
灑墨揮長歌惟君好異天所與用助歡宴供吟哦斐溪傑作  
憶六一雪浪遺事追東坡不須對石更增慨觴客且倒金叵

羅

兇觥歸趙歌

爲常熟趙君庭明所作

素衣角帶陳嘉猷相公未肯歸荊州懦夫屏息舌入喉剛腸  
詎以腹劍柔墮肉如掌氣益道直爲一代綱常憂當時同袍  
祖道周其飲止許吳編修文羊一角黜而觥忠臣口澤垂千  
秋凶終世或文穆尤亡親今爲江陵羞一觥流轉珍天球汝  
陽卓行齊中牟慨念杯棬涕泗流不憚辛苦問關求精誠所  
格夙願酬顏藏翁介良有由是曰天相寧人謀單溪樂府可  
以謳衡齋高義古罕儔用告家廟揚前休子孫永保世澤留  
足以激厲末俗儉可憐相公相業優不少圭瓚在匱貞貢媚  
况復羅琳璆是觥區區何足侔一朝勢盡舉室幽殷家大珠  
誰復收

消暑八咏和袁簡齋

錄四

辭客

閒門無剝啄息影謝塵緣  
梧院暑方午竹窗涼自眠  
屏看山過雨琴聽石流泉  
此味何人領難邀世外仙

補竹

疎影覆方池移來竹數枝  
清風環枕簟綠意上鬚眉  
鳥語客初去日斜人未知  
碧鮮良可賦吟嘯坐忘疲

曝書

三伏乘朝爽閒庭散舊編  
如遊千載上與結半生緣  
讀喜年非耄題驚歲又遷  
呼兒勤檢點家世只青氈

滌硯

拂拭晨窗硯提攜更濯波  
誰能如汝壽未免受人磨  
舊冢堆千管新泉試一螺  
書成聊自賞不擬換羣鷺



桃花鴨唐六如先生祠墓歲久頽廢陶山明府重修葺賦詩四章余未和也辛酉八月上澣二日偶然

獨遊小憩桃花仙館得詩如數卽次原韻

綈袍瓦罐話前塵

交遊零落綈袍冷風雪欺淩瓦罐冰先生漫興詩句也

老屋荒阡喜就新一事

廢興真有數此生行止豈由人壺觴不散幽憂疾花月能娛放浪身試向東風酌杯酒天桃何似昔時春

折除官祿是才名咫尺滄浪帶水清兩地風流同不朽百年恩怨最難平人間何物都元散海內知音祝允明濁酒滿瓶花滿眼未妨絃索送浮生

地下何須歎數奇憐才曠世有心知放懷早悟如如盲感遇

會賡悵悵詞

余昔年有弔先生墓用先生張悵詞韻詩一首

聽說深亭營廢冢欣看彩筆賁

新祠他時盛事傳吳會燕寢清香憶左司

仙館依然傍佛燈  
閒將往事問殘僧  
三生幸接枌榆社  
半偈來參大小乘  
茗啜晴窗傾法乳  
碑珍遺墨拓溪藤  
祠屋桃花菴歌先生自書古名  
秀逸非近人所可幾及更捐碑者贈一本歸  
何當十笏分餘地  
長此齋居養絳陵

題管韞山詩後

夜永燈寒一卷陳  
睡壺敲缺氣嶙峋  
客言是集能千古  
我爲同袍惜此人  
論事獨敦風義古  
詠懷兼愛性情真  
觀臺絕筆餘忠悃  
太息陽城志未申

壽述菴前輩八十

杖朝恩許主鷗盟  
洛社優悠詠太平  
三殿履聲諸老憶  
五湖帆影一身輕  
松高澗露枝添翠  
鶴老橫烟韻轉清  
莫道漁莊穩卧久  
東山念總繫蒼生  
公居湖之濱嘗以見志三湖漁莊圖  
澗水閣燒放早春  
緩程猶記荷溫綸  
收將捧日擎天手  
來

作眠雲跛石人蒲褐

山

拈毫餘結習聞思

公葺精舍屬余題額

宴坐悟前

因連篇近誦山塘詠老筆摩空覺有神

今年四月公遊山塘作虎邱卽事詩廿六首

回首 觚棱歲月深

銅堦清切漏聲沉建牙四表壺冰朗

籌筆中年鬢雪侵人信匡時須實學公言執法但虛心堂開

佚老身還健投綬能忘報 國忱

出處依稀似樂天人間今見地行仙詩吟海燕原無競

用張曲江詠燕

夢晒黃梁亦可憐

謂已未正月初旬事

未許官階妨著述最難鐘鼎又

林泉諸生誰奏南飛曲待譜新詞付管絃

公少工樂府近又有續詞絲之選門下士得指授者

皆在玉田白石遺韻故云

### 吳壽昌

字泰交山陰人乾隆三十四年進士官至左中允

蕭福山房詩話中允蕭閣震清早遂初衣而學有本源工於佐證爲貴州學政作時藝以經多士等經貫史一時拈出衆以爲得未曾有也詩自虛白齋館課存稿

外見者  
蓋寥寥

題墨錄

吾友古聞人好古富詞翰長安復僦居城東張高館訪之榻  
無塵圖史堆几案須臾陳錦匣未啟手先盥中藏舊脩麋歷  
歷不可亂形模仿圭璧款識雜銘讚幽香與古光拂拭難爲  
判既觀復用嘲君癖劇好鍛胡不圖博古鼎彝森愛玩不則  
譜書畫宣和蹟重按抑或錄金石庶用資講貫正史訂既訛  
舊文續未散寶此膠烟姿歲久易漫漶延珪永已矣此物無  
長算邵羅迄方程孰稱諸家冠著錄若流播質亡名誰惋矧  
廼置不用什襲加防扞不如之五都一丸買新幾持以狎丹  
鉛塗改復黠竄有用貴珠璣無用賤薪炭君笑繼抑掄謂余  
徒相難同一嗜古癖奚爲分畔岸寓意不留意昔賢有明斷

所聚雖我好不似千金換品以百十二持贈居大半以彼膠  
漆交獲茲雲煙看居遊聊與偕摩抄出璀璨卽墨侯毋封子  
墨客多慢行將吾齋坐心清參鼻觀豈學米家船揭脚忘汗  
漫感君懷曠達愧余言河漢五陵事裘馬孤賞冀誰贊幸無  
豪奪人完歸復何憚

冀敬身

字杞懷號匏伯仁和人乾隆三十四年進士官至楚雄  
知府

三間房道上書所見

木殘柳色尙依依中有人家住翠微一架匏瓜寒未摘兒童  
對客掩柴扉

程沆

字芷南丹徒人乾隆三十四年進士官汾州府同知有

春飄近體詩鈔

曉發瓜步

明發瓜洲渡蒼茫曙景分沙痕收楚雨樹色寫吳雲魚翠當  
窗拂龍腥逆浪聞中冷如可汲趁欲解微醺

杪秋江隄晚步

荻浦花如雪楓根繫釣船涼生漁侶夢秋占水鄉天遠岫月  
初上近村人未眠沙頭重留戀鷗鳥若爲緣

秣陵返棹

商飈迴楚岸曙色冷吳天落葉無邊樹歸帆何處船離亭秋  
望斷孤驛暮愁連極目疎林外風鴉破暝烟

字崑霞鎮洋人乾隆三十四年進士官吏部郎中有晚

香書屋詩稿

蕭得山房詩話崑霞爲烟客曾孫被服雅素紫羅襪玉簪尾不嫌  
烏衣之目兼承家法工於畫理所作詩雖未深造亦復澄澹可觀

饑民謠

大滄雨百草肥五穀死饑民悲形容枯槁面目薰不如富家  
狗與雞凶年猶得食糠粃枵腹仰天天不知父不顧子夫不  
顧妻我欲捋取羊鬚萬斛珠歸來療我饑民饑

絳中兒

趙孤兒絳中置兒不啼兒亦異夫人抱兒徒下淚以是藐諸  
孤誰能出死地公孫杵臼與程嬰宛轉廼能全大義平生不  
忘趙先君子爲其難我爲易一時幻出兩孤兒杵臼取兒走  
先避程嬰謬告諸將軍諸將橫奪孤兒驚杵臼旣見殺孤兒

亦遭屯國人聞之皆哭杵臼晉程嬰孤兒死諸將喜千金賞  
程嬰恥真孤兒反在矣孤後成人嬰亦死始信立孤爲難耳  
匿孤教孤終立孤如此兩人世上無諸將盡是懦丈夫翳桑  
餓人安在乎君不見宣孟忠貞位正卿桃園之難愧穆羸

破山寺

幽棲心轉曠策杖啟禪扃飛瀑添龍澗流雲悟雀瓶竹穿蠟  
屐冷山見酒人青天許分僧樂層軒幾日停

秋杪過南園呈竹娛族祖

楓徑霜初落松關日乍曛伊人在秋水詩思渺江雲高閣鳥  
聲集寒潭樹影分臨軒思繡雪清磬隔林聞

戚蓼生

字念切德清人乾隆三十四年進士官至福建按察使



有竺湖春墅詩鈔

馬底驛

淒絕黔安地經行得未聞  
語音三戶別晴雨一山分  
陡壁騰樵婦荒鑪坐戍軍  
還看溪澗畔虎迹映斜曛

于鰲圖

字伯麟號滄來漢軍鑲紅旗人  
乾隆三十五年舉人今官蘇州府知府有南來集

秋夜高郵舟行

千里暗如墨檣催趁夜行  
燈隨星共遠風與水爭聲  
舵轉坐常側帆懸魂屢驚  
秋深憐病骨豈敢惜浮生

斗山口望徐州

蕭騷風拂鬢指顧見徐州  
劉項無餘土張蘇是故侯  
悲生雲

外雁寒起水中秋烟霧迷城市疑看蜃吐樓

瓦房工次早行

旅次眠難穩晨雞催各行森森綠岸樹落落遠村更淡月全  
無影寒流自有聲征車衝曉霧野浦亂鴉鳴

印照

字滙淙嘉定人乾隆三十五年舉人有菽園詩稿

夜坐懷朱東發

夜涼不成寐延佇倚岩戶忽聞遠寺鐘已歇西堂雨幽幌暖  
餘香疎星耿涼字美人遊不還簷鈴空自語

南宋宮詞

內人奏鼓合涼州綵練拋來七寶毬殿下諸王呼萬歲至尊  
盤馬過龍樓

芳池九曲水潏洄日午龍舟打槳來報道芙蓉須卧看銷金  
羅幕一時開

高髻團衫別樣妍謝恩總立閣門前紅羅帕子新承賜小印  
金龍押四邊

東風桃李競春暉女伴彈棋捲繡幃忽聽金鈴簷外響飛奴  
遙帶夕陽歸

嚴翼

字懋棠嘉定人乾隆三十五年舉人有鴻音集

灘江

山勢從黔落江流入楚分摩天開一綫繞壁走千軍白晝渾  
疑雨青巖不斷雲依稀三峽裏處處嘯猿聞

極天同鳥道此路卽羊腸戰壘餘金索

武侯南征從石壁貫索以進

懸崖綴木

房絕壁上有  
老屋數椽寒烟晨尚燒老樹臘初霜風景蠻方異勞勞歎阻  
長

安南道中

一鞭隨早爽秋意滿空山雨歇蟲聲裏雲生馬足間稻涼花  
盡白柏老葉初斑蕭瑟蠻方景勞勞客未還

送燕

海北天南消息稀秋來別我尚依依漫尋昔日花前路須記  
明年竹裏扉此地幾人開白社舊家何處覓烏衣懸知不負  
華胥約好趁西風緩緩歸

水西途次

秋淨蠻天萬髻羅一鞭起曉走嵯峨雲連蜀道羊腸迴木落  
黔山虎跡多帶露雜花涼自放下溪活水淺無波時豐便覺

登場早處處磨鎌待割禾

湖海詩傳卷三十一